

# SUOMÄST LII TUŠE OHTÄ ETINUMMEER 112

NÁVT TOOIMAH:

HUÁPULÄŠ ETITILE? — SUÁITI 112 — VÄSTID KOČČÄMUŠŠÁID

## Etinumerân västiduvvoo "Hätäkeskus - Nödcentralen"

Etinumerân uázžu suáittid tuše huápulii etitiileest, talle ko tarbášuvvojeh išedeijee virgeomáhááh. Suomâst etinumerân västid škuávlejum torvolášvuotâvirgeomáhâš.

Etinumerân puáhtá suáittid meid sim-kortáttes puhelimest tai olgoennâmlii loovtâst sundenummeerttää.

Etikuávdái kenigâsvuotâ Suomâst lii palváld suomâkielân já ruotâkielân. Eres kielâi uásild etikuávdášcoccee puáhtá väldid iššeen tulkkápalválus, já talle etisuáitu suáittee ferttee vyerdid puudâ já toollâđ puhelinlinje áávus.

## Suáiti etinumerân 112 huápulii etitiileest

- talle ko tiädáh tai epidah, et jieggå, tiervâsvuotâ, omâdâh tai piirâs lii vaarâst
- talle ko halijdah almottid polisân rikosist mii lii eidu joodoost tai
- talle ko tarbâšah huápulávt vuosâtipšo, poolis, puálukode tai sosialkocceem iše tuu kuuvl.

Jis etinummeer kiávntoo puástu suujâst tai tušij tiet, te tast sáttá čuávnuđ rángáštâs. Tušes suáittu sáttá äjittid eeđeest leijee ulmuu išedem, já tast sáttih leđe viärráás čuávumušah. Jis tun lah epives tast, et lii-uv tile huápuláš, te suáiti etinumerân 112. Suáiti jieš, jis puávtáh. Jis suáittee ij jieš lah tot kote aaicâi etitile, te tot ääjít iše puáttim.

Etikuávdášlájádâs šleđgâpostâčuottássáid ij pyevti adelid almottid etitiileest.

## Ele suáiti etinumerân 112

- jis tuše halijdah kojâdid tai tiäđuštállâđ maidnii
- hemâdâsâi tiet, moi keezild kihheen ij lah vaarâst: šleedgâ potkânem
- huáputtes tiileest

## Eres etikuávdášpalvâlusah

Etitiileest puáhtá almottid Suomâst meid tekstâsavváin. Etitekstâsahâpalvâlus tuáimâ suomâkielân já ruotâkielân. Palvâlus váátâ sierânâs registeristem. Ravvuuh registeristem várâs láá 112.fi -sijđoin suomâkielân já ruotâkielân.

## 112 Suomi -heiviittäš tuu torvon

Etikuávdášlájádâs pyevtit moobilheiviittäš 112 Suomi, mon puáhtá luodid heiviittäškaavpijn nuuvtá. Heiviittäšâst láá kulmâ kielâ: suomâkielâ, ruotâkielâ já engälâskielâ.

Ko suáitáh heiviittäšâsin etisuáitu, te tuu sajetiätu jotâ etikuávdázân automatlávt. Tot jodâlmit etisuáitui kieđâvuššâm já tuu išan lii máhduláš vuolgättid aldemuu rijjâ ohtâduv.

Lasetiäđuuid Etikuávdášlájádâs palvâlusâin tun finnih 112.fi -sijđoin suomâkielân, ruotâkielân já engälâskielân.